

Pól e lél ek'awñ Tit

Ów ek'it eke wél k'uw any

Pól awñ Tit ek'el in e juma em e lawl a lél na. Tit elm Jwif, kó Pól e Nyam odad eke l'iri a óñ etñ l'el kretien. L'el Nyamel nyimn es mamn tasi; etñ li b'elum Pól abu ow eci Sinyamel ek'anñ Jerusalém, Efés lele Korent ab eci ec ekn ab em. Eke Pól sigm Sinyamel es Kret lekr ab af a, Tit anake n'óñ abusu eke k'ekn Sinyamel a ek'anñ lekr a e seb seb ab em a (1.5).

Wél uw Kret eyñ any el e suksuk, enyembri yony yony, ob ij gbrugbru lel el e kporñ em ec'eb eke -li b'ir ab em. Agñ amua na em a, Pól am óm Tit ów Nyamel nyimn es ec'elel eke k'aan es lele Nyamel lokm a ec'agñ akpasu akpasu ek'anñ ese: agñ ekpekp, óyów, ngbafre lele madu ab, ec'elel eke li k'aan es wél e lís a. Kretienel a fññ it eke k'ony es an pεte pεte lele erm es ey ab, ke -n'am ókn eke gbuñ ke Jesu Krist em -n'eyñ sel a, el yeji, eb ir ñuñ -n'ony. Ow it eke -li ki kok ów ek'akpl, ke -li kok juma -n'ony abusu, -li ki kok el e ses babur, Abñ Lala e læc a eke am nyimn el ab em.

Esññ

¹ Em bówri Tit, † em Pól, Nyam e juma kok es lele Jesu Krist ec'erm es ab, em m'am awñ lel na. Nyam abul'm eke mi k'esñ agñ a eke li sósum l'ot a óny ómn, ke mi yégm el -l'uw low nawre

† **1:1** Tit:2 Korent 8.23; Galat 2.3; 2 Timote 4.10.

any, ke -l'ir eb ek'okr af ey ec'omn eke s'onny ab ab, ² yec'estn ke -n'onny low eku sel ek'onny uwr a eci. Nyam ek'onny yadn a, ewar ey eb ir ikn na gbuñ eke low feñ k'ann a. ³ Legn a eke wel bebem ew es a, Nyam ey e Sog Es elu in ec'odad a okm. Odad a anake el amani a eke n'onm, ke n'onm abusu eke mi k'ob a.

⁴ Tit, m'am non lel na m'awn'ñ, ñ ek'ann ese em ec'iy tasi af, omn a ek'okr ey af ab em. Ke Nyam Es lele Jesu Krist ey e Sog Es ab edn'ñ owro, ke on'ñ erm es ey.

Tit e juma e wel abul Kret lekr ab em

⁵ M'ew'ñ es Kret eke k'uar ow sisigm ek'ann a, ke eb eb a e Sinyamel ab em sósum agñ ekpekp ot ese idr esel af, es'elel eke m'on'ñ ow ec'abusu ab af. ⁶ Egn likpekp a it eke k'el egn ek'abr enym anm lís; yow nyam ce ec'ign, † ke in ec'ey a él Nyam e nawre ub esel eke wel k'otum okm ow af el ec'es an keskes eci, oglog el ec'egn eluam eci. ⁷ Tasi em a, Nyamel ec'idr es eke b'ekn Nyam ec'ow a, it eke k'ir eb mewl em. Li k'elm es efuu, erm beblu, mar egnu, l'elm egn ek'onny ganjan, l'elm egn e b'ol os onny es yadn em. ⁸ Ow it eke li k'eb agñ eke b'ow in ogn a mewl em, ke l'el low nimamn e lawl. Ke l'el egn e b'iri egn owi, egn nyim nyim, eke b'eb Nyam ec'ebr a, ke l'el egn e b'onny sos es. ⁹ Ow it eke li k'ucu odad tasi a ek'it a n'onny es nenyembri nyam em, odad a ek'okr af yec'a eke wel yegm ab ab a. Eben ke

† **1:6** yow nyam ce ec'ign: odad na Grek em a wel otu eke k'itn ejec'em dad ese ign ek'ebi yow akp nyam ce.

l'ótu l'atr agñ likpr a sos es low yegm nawre tasi ab em, ke li yégm agñ a ek'égnm low yegm a ebm a el ec'irm a. †

¹⁰ Mi dad sodad amua anke agñ nõnõ ónym elum, ab brobro Jwifel eke b'us Jesu jam, ke am erur ek'agñ k'ubr likr es ab em; † -li b'irmn agñ el e nenyum õb e sodad ebl ab em. ¹¹ Ow it eke k'abl el neny es, anke -li bi ñuññ sibosu nimum etñ -li bi yegm low ek'itm a, yec'etñ ke -n'eyñ os yadñ em. ¹² Krèt iy nyam in obi, el e nuñ em õny es nyam anake dad ninè: «God'etñ Krèt eyñ el ayadñu, mindey eñuñ, ÷kporñu e bi tutr el e lok iy owi ce.» † ¹³ Etñ ow eke li dad a el low nawre tasi. Na sosiem anake ki dad el odad lebl tuõtuõ em, ke -l'ub nawre tasi, ¹⁴ yec'etñ ke -li k'ucumn Jwifel e kpõkpõ em ec'ów yadñ a e dad a -n'õnymn es; -l'eluumn agñ a eke b'ign low nenyembri nyam elu es e sol a. ¹⁵ Feñ el lala † agñ a eke b'elum Nyam e sol a eci; kõ agñ a ek'eluum, ke égnm ubm nawre ec'a, kaka elm lala, anke el e nuñ em õny a lel el sow tutr ab ab yeji ikpi. ¹⁶ -Li b'ij neny -l'ese el uw Nyam any, kõ el ec'ów eke -li bi kok a b'anñ ejeci. -L'el agñ õbr tasi, -l'eluumn egn kaka etñ -l'õtumñ -li kokmñ low nimamñ kaka.

† **1:9** Akr 6 toñ 9: bèbmn 1 Timote 3.2-7 ab. † **1:10** *Jwifel... ek'agñ ek'ubr likr es ab em:*ow el Jwifel ek'us Jesu jam, ke sica am erur eke nawre ub esel a feñ k'ubr likr es. † **1:12** Odad na el Krèt iy e wèl b'esñ Epimenid ek'el Knõs banñ iy a ec'odad eke dad (bèbmn akr 5 a). Li dad odad na ow ij akpo duw akpo ekn yen gbuñ etñ wèl ow ew Jesu Krist. † **1:15** *Feñ el lala:*aña ow k'õdm ke Pol erur eke ki yegm sol eke bi dèdññ ob ij a. Bèbmn 1 Timote 4.3-5 lele Kolos 2.16-19 ab.

2

Ów òm ek'el nawre ub esel akpasu akpasu a eci

¹ Gbεkò η, yègm yec'a ek'otarir es low yègm nawre tasi ab ab a. ² Dàd agη ekpekp a él agη eke k'óny sos es ok low kok em, óny sos us, any es ok, íj læc òmn em, erur em lele low eku em ab.

³ Dàd òyòw ekpekp a yeji óny εb ir mamn eke b'akpl Nyam sos em. Ke -li ki dadmn el lawlél a e lís ec'ów eηη, -l'elmn mar eci madyòw. Ke -li yègm low yeci ek'akpl a, ⁴ yec'ετη ke -li yègm òyòw oto a óny el εcél lel el ec'ey ab ec'erur. ⁵ -L'el any es ok lisél ek'ónym wiawia, akη juma kok lisél amamn, ek'óny el εcél ec'elum, yec'ετη ke εγη kaka k'ónym low ηηη dadm Nyam ec'odad a e lís.

⁶ Ìbrm ηgbafre oto a yeji él agη ány es oku low fεη em. ⁷ N obi yeji, ow it eke k'el sεwl ów amamn kok em. N e low yègm a él nawre tasi, óny sos usr. ⁸ Ke η e sodad ebl a él nyim nyim eke wél k'ónym low dadm ow e lís, yec'ετη ke εy ec'efnu a k'ónym low dadm okm εy af, ke és ók el any.

⁹ Ow it eke madu k'óny el ec'es εw εsél a ec'elum, ke -n'òη wél áw el low fεη em, ke -li k'ónymn odad wél ab. ¹⁰ Ετη ow itm eke -li k'iy wél ob kaka fεη. Kò ow tasi eke -li ki kok a el, ke sεγη fεη -l'elu el ec'agη amamn eke -l'eel lele el e cεce el ab ab òkm, yec'ετη ke low fεη em Nyam εy e Sòg Es eci low yègm a éηη any.

¹¹ Mi dad ów amua fεη aηke Nyam elu in e bibm eke bi sòg agη fεη a òkm. ¹² Bibm a bi yègm

ey eke si k'igŋ ey ec'eb ir ŋuŋ lele wus ec'ów aw ab ab s'elu es, ke s'ótu wus af aŋa s'ir eb nuŋ em ɔny em, neny nyam em lele Nyam ec'es ucu ɔny em ab. ¹³ Nene anake si b'ow s'eku sos em iŋ e leŋ a eke s'am ɔmn a, leŋ a ek'ey e Sɔg Es Jesu Krist ek'el ey e Nyam ligbel a b'ow ey ɔkm in ec'anygbel em a. ¹⁴ L'irmn in e sel a ey sosiem, yec'etŋ ke li sɔg ey low ŋuŋ feŋ em. L'erur eke li ki kok ey s'el bieku ek'in obi l'ayal, aŋ ek'el in ɔny eci, ke seŋ feŋ ów amamn kok b'anŋ sos em.

¹⁵ Low yegm na anake k'elu ɔkm ŋ ec'abusu a ek'eŋ ab em, átr aŋ sos es oglog énym aŋ abr a. Ki yeb el em ec'egŋ kaka k'iir'ŋ es.

3

Nawre ub esel ec'es an owr

¹ ɔkn nawre ub esel a feŋ, ow it eke -li k'is es es ew esel lele abusu esel † ab ec'any af, -n'ony wel ec'elum, ke -n'ony sos bebŋ low mamn feŋ e kok eci. ² -Li ki dadmn low ŋuŋ el lawl e lís, kɔ -l'el erm es ey ec'aŋ, -l'el aŋ amamn, ke -l'elu el e frɔɔ el ɔkm aŋ feŋ e lís. ³ Gbuŋ ke s'úb Jesu nawre a, s'el aŋ ek'uwm low kaka any, ɔnym elum kaka, irm itm es, el low aw lele low e b'iŋ sos em ab eci madu etŋ s'ir eb low ŋuŋ em lele nyamnɛyr em ab. Wel b'ony ey e sifn etŋ ey ɔfr em yeŋi si b'ifanin. ⁴ Gbekɔ Nyam ey e Sɔg Es elu in e ɔrn iŋ lel in ec'erur ab ab ɔkm aŋ feŋ eci, ⁵ etŋ li sɔg ey, ow elm ey ec'ów amamn eke si kok a sosiem, kɔ eke n'ony ey e ɔrn iŋ a sosiem. Li

† **3:1** Rom 13.1; 1 Pier 2.13.

sɔg ey mij a eke b'ayal ey s'el agɲ owr ab em; † etɲ ow ec'iri tasi a el: eb ir owr a ek'Abɲ Lala b'ɔɲ ey a. ⁶ Abɲ Lala na, Nyam in ec'erm mamn ab em ɔmun in es ey af, Jesu Krist ey e Sɔg Es ab ec'af okr a sosiem. ⁷ Eɓen anake in e sɔɲɲ iɲɲ ab em, li b'ɔɲ ey s'el nyim nyim in ec'any af, ke ow b'elu ey abusu es s'ɛɲɲ sel a ek'ɔnym uwr ke s'am ɔmn a.

⁸ Odad na el odad nawrɛ tasi, etɲ m'am erur eke nɛny k'at'ɲ es nɔnɔ ow e dad ab em, yec'etɲ ke agɲ a ek'ub Nyam nawrɛ a, át any kok ów amamn mɛwl em. Na el low akplu etɲ el agɲ fɛɲ ec'abu elum. ⁹ Gɓekɔ àru ów ek'ɔnym low yɛgm a egb es esɛ: agɲ lagɲɛl e mew ec'es ɔɲɲm, † ów esu lele Moís ec'ol a ec'ów es atar owi ab ab. Amua fɛɲ el ów ɔfr ɔfr eke low kaka anm em. ¹⁰ Eɲɲ yec'eke b'is em buɓr owi a, èwar ir akp nyam, sakp yony † gbun ke eɲɲ iɲɲ na, kpáb'r es Nyamel e lís. ¹¹ Ɔtu eke k'uw any ek'eɲɲ iɲɲ na ejagb ɲun n'am eb. Etɲ sikpl a eke n'am kok n'im ab em, ow el in sosi eke n'am ɔbr low.

Ów ɔm es abal el

¹² Ba mi b'erm Artemas oglog Tisik † ow a, àtr sos es ow eɲɲ'n Nikopolis, anke mi bɛbm eke mi k'anɲ yogɲ lɛfr lɛɲɲ iy a. ¹³ Eɲɲ eb elum Zenas eke jɛj ok owi em el eɲɲ dogɲɲ es a lel Apolɔs † ab abu el ec'ejagb us ab em, yec'etɲ ke -li k'ɔnymn ob kaka ec'es abur. ¹⁴ Ow akpl eke ey ec'agɲ

† **3:5** *Li sɔg ey mij a eke b'ayal ey:* èkn Efes 5.26. † **3:9** Èkn 1 Timote 1.4 lel ow ec'akr otar ab ab. † **3:10** Matie 18.15-17. † **3:12** *Tisik:Ob Kok* 20.4; Efes 6.21-22; Kolɔs 4.7-8. † **3:13** *Apolɔs:Ob Kok* 18.24; 1 Korɛnt 16.12.

ek'ub Krist nawre a yeji, ki wewr erm mamn ony,
yec'etη ke -l'otu -li kok es abur feη eke b'owr el
a, ke el ec'eb ir a k'elm ofr ofr.

¹⁵ Agη a feη ek'ann em ab a am esηn'η. Esηn
ey lawlel a ek'onny omn nyam coco ey ab a.

Ke Nyam ec'owro a anη ony feη ab.

Amani Owr
Adioukrou: Amani Owr New Testament

copyright © 1998 Wycliffe Bible Translators, Inc.

Language: Adioukrou

Contributor: Wycliffe Bible Translators, Inc.

All rights reserved.

2020-11-10

PDF generated using Haiola and XeLaTeX on 21 Feb 2024 from source
files dated 29 Jan 2022

b20fd1e5-39e1-5678-9af9-b99e1ebfb994